



Rabu, 11 September 2024

Ogen: **1 Korinti 13:8-10**



**Kuh Dingen Serta**



**K**eleng ate, em bena-benana perjumpun sekalak dilaki ras sekalak diberu i bas perjabun. Ipilih dilaki sekalak diberu jadi ndeharana ban sura-surana lako engkelengisa asa umur geluhna. Bage pe si diberu ipilihna sekalak dilaki jadi perbulangenna ban keleng atena. Keputusenna duana ersada i bas perjabun em tandana ia sikelengen.

Encidahken kekelengen e perlu pengorbanen. Pemena, enterem nge dilaki entah diberu i sekelewetna, tupung iputuskenna sada guna jadi teman geluh, itutupna kemungkinan man kalak sideban. Banci saja jilen kalak sideban entah bayaken entah pe ulin asangkan si ipilihna e. Tapi, adi enggo ipilih sada, ialoken kerina i bas kekurangan ras kelebihenna. Lanai lit ukur man kalak sideban. Peduaken, encibalken keleng ate e jadi sada taruhen, la banci mundur, terus maju. Ertina, terus engkelengi, la lit istilah ngadi engkelengi perbulangen entah ndehara. Uga gia sekali perbahanenna, entah lit perubahen i bas geluhna. Ingetlah sada prinsip si ituriken Fransiskus dari asisi nina, 'dengan memberi kita menerima.' Suankenndu kekelengen man pasangenndu, alokenndu nge pagi si mehulina.

Paulus pe nurikensa maka kekelengen e la erkeri-kerin. Deseken lau si maler i bas lau anak, maler i kenjulu nari ku kenjahe, amin pe lit batu-batu galang entah kitik, terus nge daramina dalanna maler. Lit pe rungsa-rungsu batang kayu, la ia ngadi. Melala pe timbunen sampah lalap ia erpala-pala gelah maler ku teruh. Lit pe persoalen la ngambati kelenga ate. Adi kebaken, ras pemeteh banci masap tapi kelenga ate e kuh dingin serta kap.

*“Keleng ate e entebu buahna”*